

中國方志叢書·第廿四號

據清道光六年林光緒纂修本
清道光六年林光緒纂修本
影印

廣西

天河縣志

(全)

SK126/03

成文出版社印行



10096554

中華民國五十六年五月壹一版

天河縣志

全一冊

定價：新台幣二〇〇元

發行人：**黃成助**

臺北郵政信箱二二六〇五號


出版者：**成文出版社**

臺北郵政信箱二二六〇五號

印刷者：**正大印製廠**

三重市長生街二號之一

內政部登記證內版臺業字第一一四七號



中國方志叢書·第廿四號

據清道光六年林光緒纂修本
清道光六年林光緒纂修本
影印

廣西

天河縣志

(全)

sk126/03

成文出版社印行



10096554

道光六年編輯

天河縣志

修天河縣志序

序者何叙其事而嘉其所志也河邑雖小豈無事
述而縣志闕如莅茲土者將何以悉其山川風俗
戶藉田賦而施其所志乎志者志也此天河有志
即林君之忠也余曩守慶遠見府志殘缺思有以
修補之而賞志未逮茲護篆右江林君來謁以縣
志屬余序因念林君先獲余心且能創始也其志
不亦偉歟考天河彈丸邑耳置自唐始凡所沿革
散佚無攷迄明教化漸敷至我

朝涵濡歷久浸浸乎淳俗敦龐型仁講讓烏可以無
志林君下車伊始即以是務為急不期年而志告
成凡目十有二條其言簡其事該而其所志則無
盡昭示來許庶幾周識山川漸移風俗察戶藉之
繁殷籌征輸之緩急是則其志之所存者至於風
揚節孝追溯前徽凡事足以啟人興起觀感之念
斯志加意致詳所謂激勵人心勸勉風俗者非耶
其間如名山勝蹟林君於政事之暇邀集邑之文
士相與題詠留連益徵其敷政優游嫻於吏治紓

小其士之良秀者咸好禮而向義其民之愿樸者亦服教而畏神類皆良有司之仰體

聖化而無怠無荒俾斯民優游涵泳日漸摩而不自知也僕適按誠慶郡見河邑之文風日進士氣亦醇知作育之有人為諸生而竊幸會林君以邑乘告成郵寄示余並索序言余故將林君之所以為治者質言之而不事鋪張揚厲之文也而林君之有造於河邑也亦足以千古矣

道光六年丙戌菊月粵西督學使者周作楫謹識

於慶遠院試之東軒

修天河縣志序

蜀北林謙仲甫以名孝廉出宰粵西所至有聲如
任永福茶城各邑則修書院捐膏火勸農田省徭
役有利必興有害必除卓然治績口碑載道士有
去思之慕民興來慕之歌蓋本其學道愛人之素
以實心而行實政而非同於施恩小惠要結名譽
者也於元年補天河令下車伊始權其緩急審其
機宜而徵文考獻志乘缺然乃慨然以創修之舉
自任夫事莫難於創始况河邑自唐以來沿革相

承迄今千百餘年其間輿圖之改置山川之遼濶
與夫經政無考官績無存何以綜往昭來釐然各
當井然不紊俾後之隸斯土者瞭然於心目間可
以察情形知利弊以為措正施行之準於以知志
乘之創修非易易也然則林君之心力亦苦矣廣
搜羅精考核勤諮詢親纂叙任校讐捐廉俸為古
之所未為能今之所難能儒者服官自有千古其
信然與我

朝化洽邊陲同軌同文沐浴詠歌日新月異河邑雖

經濟而為文章又特其緒餘焉耳將來余歸慶修
志必當採輯入之亦以見林君與余同心同志云
爾是為序旨

道光五年乙酉季冬書於柳江道署

誥授朝議大夫署理右江兵備道知慶遠府事長白英

秀鐵山氏謹謨

修天河縣志序

郡縣之有志舊矣其制仿自周官而自漢以來圖經地紀所載益詳後且著為令甲蓋以識土俗之異宜河山之形勝民情之淑慝財賦之匱盈合天下郡邑之志而上之太史即為

皇輿無外之規百國寶書九邱秘策不是過也顧從來為郡縣者一行作吏每簿書期會之不遑罕有能留意地志者即或抗心希古而委之幕僚成於鄉壁其書每蕪陋無足觀不足以資攷信則組銅

章縮墨綬者固宜以此為先務矣天河置自唐時
為禹貢要荒之域蠻徭雜處山谿險深莅是邑者
每以其僻陋不暖與文教以是志乘闕如西蜀林
君謙仲以名孝廉出宰是邑循循撫字閭里向風
乃得以為政之餘蒐討舊聞網羅放失手輯縣志
一書乞余為序余閱之見其叙次簡當考覈詳明
而一縣當因當革之政無不瞭如指掌遂使雞桐
蛇柳之區炳炳然與大邑通都並埒君之心可謂
勤矣夫作史莫難於志而唐賈耽以熟精地理朱

墨之表豔稱千古君之淹貫賅洽誠不在賈君下
余更願君崇禮教以化鳴臬務農桑而歌買犢庶
幾治行蒸蒸日上標映倫伍以仰副

聖天子保惠萬方之至意使後之讀是志者與清獻靈
壽並傳豈不禕哉是為序

道光六年歲在丙戌秋八月粵西提刑使者前史
官歸安葉紹本謨并書

修天河縣志序

道光六年余試守慶遠天河令尹林君以縣志屬
余序余維縣之置始自唐隸於粵州其後或屬宜
州或附融州至明改屬慶遠府我

朝因之固西粵之奧區也

國家仁風翔洽休養歷數百年來田疇之墾闢頑梗
之向化官師人物之才者能者與夫鄉賢潛德閨
閣幽貞諏諸掌故零落莫詳焉夫周官士訓掌道
地圖以詔地事誦訓掌道方志以詔觀事蓋使來

者有攷也守土而不留心志乘庸非闕歟林君來
宰是邑嫻於吏治暮年之間政通人和謂邑不可
無志乃網羅散佚參稽攷訂粲然美備為目凡一
十有二秉筆計萬有餘言其問山川人物風俗土
宜洪纖畢舉而于往哲嘉猷循良林績三致意焉
觀于此可以知林君之為政矣所謂文章本政術
者非耶壽之梨棗昭示來許自茲天河文獻庶有
徵乎抑余更有念焉邑處崇岡疊嶂之間幅頓遼
闊苗穠雜處深賴循良之吏學道愛人稽戶版當

知附循之匪易也覽田賦當籌征輸之咸緩也策
科名覩習俗當思禮教之宜先振興之宜力也凡
此即景會神緣情立政中有真意存焉生斯宦斯
者不皆可以意逆之耶余適承乏茲邦獲觀新志
之成固樂得為之序也

署慶遠府事泗城府知府張志詠謹撰

修天河縣志自序

志之時義大矣哉土地人民政事綱舉目張宏纖
備錄綜往事昭來許於是乎在士君子服古入官
居則覽志而充其識出則考志而推其用措正施
行基諸此矣此一統志代有成書而郡縣志乘尤
急先務也河邑自唐宋以後置縣設官革故鼎新
凡所施為佚焉無考迄明三百年制作漸備人物
漸啟逮我

聖朝
恬熙涵濡世樂

太平桀黠者淳推魯者文民遵道而遵路士式玉而
式金浸浸乎禮教名邦矣而志闕焉偶遇省檄摺
摺舊聞輯略以上無惑乎輶軒無記數典忘祖也
且夫政之為也不志其本雖多而鮮徵亦雜而無
紀光棣下車怒馬厘懷不揣謏陋公餘之暇蒐通
志証古蹟訪父老詢詰士凡有關河邑志者備輯
之挈領提綱分條析縷弁言於各門之首詳顛末
也附類於總目之側期簡約也序參通志倣古體
也事歸核實禁冗濫也卷分上下二篇書成秋冬

兩季詳辯魯魚付鑄梨棗悉親讐而捐廉也綜往
事昭來許庶幾在是乎抑聞之考据著述典贍精
詳博雅材也今則蠻荒隸版文獻無徵光棣一行
作吏不敏不文謬誤斯志適增顏甲耳語曰敝帚
享千金又曰雖有絲麻無棄菅蒯後之君子因是
推擴而潤色之其諒區區之苦心也夫肯
道光五年乙酉嘉平既望知縣蜀北林光棣謙仲
氏敬序

天河縣志

目錄

卷上

沿革

秩官

選舉

輿地

山川

蜀北林光棣編輯

建置 卷 經政 藝文 勝蹟 宦績 列傳 前事

天河縣志卷上

沿革

蜀北林光棣編輯

沿相襲革去故非有心也聖王行政宜古宜
今通變化裁為善不同同歸於治而已天河
置自初唐迄今千百餘年雖有分析究歸沿
襲兼轄土司式廓增廣民物丕變官斯土者
未可謂蕞爾邊陲也志沿革

秦

漢

三國

晉

五代

以前俱蠻地

唐

置天河縣

先屬粵州後屬宜州

五代

屬宜州

宋

屬宜州

元

屬宜州

明

屬慶遠

天河縣在府城北百四十里古百粵地唐始

置天河縣屬宜州宋初因之徽宗大觀元年

割附融州欽宗靖康元年復隸宜州元屬慶

遠南丹軍民安撫司明屬慶遠府設有四鎮
東禪鎮福祿鎮思農鎮石鎮共一十八里
國朝因之設縣裁四鎮仍隸慶遠府

土司附

永安長官司

明宏治九年折天河
縣十八里地置尋廢

永順副長官司

明宏治五年折宜山縣地置
屬宜山國朝改屬天河承

審

秩官

無縣無官有縣而秩官無考或者考而不詳則志乘之闕也夫臚載簡編後之閱者指曰某也賢某也否斯編即題名記也循名核實良用怵心志秩官

秦

漢

三國

晉

五代

俱蠻地未置縣

唐

置天河縣令

縣丞

縣尉

主簿

五代

官無考

宋

置天河縣令

縣丞

尉

主簿

主簿

徐彌高 淳熙年

置天河縣尹官無考

置天河縣知縣 縣丞 訓導 典史

元 明

知縣

何政 照磨陞正統七年

蕭育 泰和人舉人

楊榮 永州人御史謫任成化二十三年

史珙 宏治八年

魏朝陽 正德八年

尚汝弼 正德十二年

韓文 福建人 正德年

馬雲衢 雲南人 嘉靖年

鄧維新 乳源人 舉人 嘉靖年

黃汝槐 北直人 萬曆年

楊繼顯 萬曆十九年

賀直之 萬曆二十五年

黃宗明 江西人 萬曆年

薛志學 常熟人 萬曆年

何擢 江西人 萬曆年

蔡日果 浙江人 萬曆四十二年

李廷謨 長樂人 萬曆年

楊文煥 四川人 崇禎六年

程世顯 四川人 崇禎年

尹懋中 浙江人

徐纘先 江南人

縣丞

王居禮 洪武五年

訓導

喻遷善 洪武七年

國朝知縣

沈道先 浙江人 順治九年

李際春 河南人 順治十五年

李甲聲 江南人 歷陞廣州知府 康熙年

李時茂 奉天人 御史 謫任 康熙年

董英 山陰人 吏員 康熙十九年

黃中道 山東人 康熙二十年

黃澔 無錫人 拔貢 康熙二十一年

沈皞曰 平南人 貢生 康熙二十八年

李滋春 直隸通州人 舉人 康熙三十四年

劉興全 宛平人 監生 康熙三十九年

謝恩 閩清人 進士 康熙四十年

阮廷藩 慈谿人 舉人 康熙四十二年

蕭畋 江都人 監生 康熙四十三年

周祚顯 鰲山人 進士 康熙四十九年

陳 珣 施秉人進士康熙五十年

徐 三 祈 嘉興人舉人康熙五十二年

周 祖 武 黃岡人貢生康熙五十七年

王 斗 樞 宜興人貢生康熙五十八年

吳 鍾 棻 大興人副榜康熙六十年

成 宗 發 四川人舉人雍正三年

吳 正 一 錢塘人舉人雍正五年

趙 茲 萊陽人舉人雍正八年

陸 煒 浙江人雍正十三年

張鎬 北直人 乾隆六年

傅錫鞏 汝陽人 進士 乾隆十四年

查克亶 滿州人 舉人 乾隆十七年

吳拱日 閩縣人 舉人 乾隆二十四年

壽啟斌 餘杭人 優貢 乾隆二十八年

吳塋 東平州人 附貢 乾隆三十一年

潘機 大興人 貢生 乾隆三十六年

章錦乾 天津人 拔貢 乾隆三十八年

徐應槐 新城人 進士 乾隆四十三年

張所述
靈山人舉人乾隆四十五年

喬懷祖
滋陽人拔貢乾隆四十八年

周鼎
金谿人進士乾隆五十年

高棫生
宛平人進士乾隆五十一年

陳昉
溧陽人舉人乾隆五十八年

蔡呈韶
奉新人舉人乾隆五十九年

韋家琳
東陽人貢生嘉慶元年

王詩
宛平人舉人嘉慶四年

陳兆桂
新會人舉人嘉慶六年

揚錫輅 浦城人舉人嘉慶十年

紀誠徵 文安人舉人嘉慶十年

鄧元勳 新城人嘉慶十八年

周兆培 饒陽人舉人嘉慶十九年

吳璣 順德人舉人嘉慶二十三年

林光棣 蓬溪人舉人道光五年

訓導

蔣興周 灌陽人康熙元年

鍾子賢 康熙十二年

韋泰運 上林人 康熙十九年

王嚴 維容人 康熙二十二年

趙翼成 全州人 康熙二十六年

植國嶽 岑溪人 康熙三十二年

曹炤 全州人 康熙三十五年

吳素學 貴縣人 康熙四十年

羅世錦 昭平人 康熙四十二年

劉宸任 臨桂人 貢生 康熙四十六年

陳之嵩 賓州人 貢生 康熙四十九年

關進賢 永安人 貢生 康熙五十三年

唐懋德 灌陽人 康熙五十八年

朱厚增 康熙五十九年

劉繼芳 永福人 康熙六十年

吳祖官 昭平人 雍正四年

韋祖坤 賀縣人 乾隆六年

覃名世 賓州人 乾隆九年

丁光世 賓州人 貢生 乾隆十三年

張顯祖 賓州人 貢生 乾隆十六年

曾光瑜 懷遠人貢生乾隆十九年

鍾靈 永淳人貢生乾隆二十八年

朱拔宗 馬平人貢生乾隆三十一年

劉崿鍾 臨桂人舉人乾隆三十年

鄧承讚 修仁人貢生乾隆四十六年

鄧文純 臨桂人舉人乾隆五十六年

高翔 嘉慶五年

劉啟元 臨桂人舉人嘉慶十年今任兵馬

吳斯璧 藤縣人副貢嘉慶十五年

典史

梁第元

北流人舉人嘉慶十八年

蒙永暉

西隆州人貢生嘉慶二十一年

吳樹德

涂履泰

浙江人

章孔阜

浙江人康熙十九年

諸宏基

江南人康熙二十一年

范雋

王錫祚

浙江人康熙二十二年

姪 鼎 浙江人

朱 圻 溧陽儒士康熙四十三年

宋 方海 大興人康熙四十七年

朱 錦 潁州人康熙五十五年

駱 有藩 南昌人康熙五十九年

韓 相虞 茂山人雍正元年

趙 璧 山陰人雍正十一年

王 齊賢 會稽人乾隆元年

王 圻 會稽人乾隆二年

錢雲翼 固安人 乾隆四年

嚴 鷗 會稽人 乾隆八年

魯大光 會稽人 乾隆十三年

李奇章 仁和人 乾隆十七年

以上乾隆十八年至四十六年俱無考

沈 發 山陰人 乾隆四十七年

謝用連 嘉應州人 乾隆五十二年

俞希賢 山陰人 乾隆五十三年

馬廷瑛 宛平人 乾隆五十五年

王定成 龍川人 嘉慶元年

林樹政 上虞人 嘉慶十一年

胡志連 宛平人 嘉慶十八年

沈理 山陰人 嘉慶二十二年

甘維翰 鄱陽人 道光四年

永順副土司世職附

永順副長官司彭氏明成化二十二年以彭文茂
為永順正長官司又以彭訪為永順副長官司訪
孫錡襲職錡子大武從征有功加千總大武子瓏
龍子希聖希聖子澄澄子忠韜忠韜子陞以奪買
氏田革子世基襲世基子照宇照宇子師鵬師鵬
子修齡

府志彭舉其先山東益都人父英明初隨大將軍
徐達征勦開國有功授慶遠衛指揮使舉永樂初

襲父職時邊徼徭蠻數出掠為民害舉嚴號令有
恩威蠻人震懼百姓安堵子訪以勦平宜山七十
二崗等處徭賊功授永順副長官予世襲令如故

選舉

唐宋迄元河邑薦舉聞焉無人陋已爰及有
明鄉薦不少名宦有人

國初入材奮興借地增榮雍正迄今百餘年何
寂寂無登科士也考明志稱邑令楊榮造士
愛民

國朝志稱邑令黃潯隆重學校之二君者雅化
育材無惑乎英茂騰蜚雖境困於兵殆無虛
歲而科名自振乃躬逢

太平造士不聞蕊榜絕響噫豈弟君子遐不作
人成效可徵不懈於位可也志選舉

宋以前無考

明舉人

謝文迪 洪武二十三年庚子科

羅旺 洪武二十六年癸酉科

羅敬 永樂六年戊子科

石達 永樂六年戊子科

謝澤 永樂十五年丁酉科

彭彥

天順三年己卯科

李顯

天順六年壬子科官知縣

劉主誠

弘治八年乙卯科官同知

李崙

弘治十一年戊子科

沈磐

正德二年丁卯科官教諭

李文魁

正德二年丁卯科官知縣

吳貢

嘉靖七年戊午科官德安知縣

張松

嘉靖三十四年乙卯科官通判

國朝進士

張汝賢 天河籍臨桂人康熙十二年
韓莢榜官遷安知縣

國朝舉人

劉光漢 康熙五年丙子科官教授

張汝賢 康熙十一年壬子科

程章 天河籍興安人康熙五十二年
癸巳恩科官開州知州

董敬修 天河籍臨杜人雍正四年
丙午科官昭平教諭

國朝副榜

張懋修 乾隆二十五年庚辰
恩科官懷遠教諭

羅崇奎 嘉慶十三年戊辰恩科

明明經

劉道

北流訓導

鍾師相

縣丞

劉宏毅

以上恩拔

莫如學

教諭

璩升

教授

邵祖堯

縣丞

國朝明經

施堯勳

恩貢教諭陞
廣東茂名縣丞

劉尚挺

舉人劉光漢子
歲貢任訓導

吳應鯤

通判

蔣繼孟

知縣

謝循禮

教諭

周希舉

教授

璩善繼

教諭

黃梁

以上歲貢

吳鍾奇 歲貢

盧桂芳

吳鼎 歲貢 鬱林訓導

李良相

吳大觀 歲貢 永福訓導

盧思第

羅之統 歲貢

吳大德

韋彥衡 宣化教諭

覃思孟

盧兆鰲 歲貢 遷江訓導

以上康熙雍正年

羅大業

李元煌

恩貢 節婦 楊氏子

盧思捷

李元燧

歲貢

盧思超 歲貢訓導

吳尚勤 任江西南昌照磨

莫踰閑 歲貢

李均 歲貢賀縣訓導

韋成敏 恩貢

吳樹魁 恩貢

盧汝謙 拔貢博白教諭

覃希舜 歲貢

吳尚彪 捐貢懷集訓導

韋世仁 歲貢

吳尚爵 歲貢

吳尚業 歲貢

盧汝恒 恩貢

韋邦彥 恩貢

盧思一 拔貢

吳尚杰 歲貢

吳繼臣 歲貢

吳樹韜 歲貢南寧上思州訓導

潘世貴 歲貢

陽日和 歲貢

吳尚卿 廩貢

盧汝成 歲貢 荔浦訓導子

吳毓琳 恩貢

謝龍光 歲貢

以上乾隆年間

吳樹翰 恩貢

韋繼松 恩貢

韋世濟 歲貢

吳尚榮 廩貢

吳尚瑤 歲貢

盧汝霖 歲貢

莫與肩 歲貢

韋日東 恩貢

吳衍化 恩貢

韋作彬

恩貢

吳樹準

歲貢

吳國昌

歲貢

施之嶙

歲貢

李聚英

歲貢

以上嘉慶年間

吳熙敬

道光二年歲貢

張開源

歲貢

彭彥魁

歲貢

韋羽漢

歲貢

韋玉佩

歲貢

韋玉彰

道光五年

恩貢

輿地

疆域圖

分野

氣候

戶口

風谷

畫并分疆幅幘斯定不記以志不限以圖畛
域未分轆轤斯起故辯其廣輪古時察政要
已河邑提封百里星屬翼軫氣候略殊田少
山多以入量出幸餘秉滯然水陸艱運殖財
無由戶鮮殷實地使然也戶口十八里任民
設墟懋遷有無踵事增華風漸侈矣志輿地

疆域

縣在府北少東北四十里東西距一百五十

里南北距一百三十里東至便村接羅城縣
界四十里西至魚良村接思恩縣界一百十
里南至東田村接宜山縣界七十里北至板
良村接羅城縣界六十里東南至藍靛村接
宜山縣界四十里西北至三崗堡接思恩縣
界一百二十里西南至澗小村接宜山縣界
五十五里東北至上都滿村接羅城縣界三
十五里編戶十八里

思農里城廂外西北鄉十五里十三村設墟

在東門外即東門墟

舊落歸里在縣西南十五里計八村

新落歸里在縣西南三十里計十村

計里在縣東南二十五里計八村

下里在縣東三十五里計九村設下里墟

上里在縣東二十五里計五村

中里在縣東三十里計六村

上思盧里在縣東北四十里計十村設四把

墟半屬天河半屬羅城

下思盧里在縣東三十里計十二村

舊里在縣南七十里計十五村設墻背墟

福祿里在縣西南六十里計十五村

歸仁里在縣西一百二十里計十八村設汰

板歸仁兩墟

歸化里在縣西五十里計十二村設棟見墟

古波里在縣北六十里計十四村

阿練里在縣西北一百三十里計十六村

思合里在縣西北三十五里計十二村

古黎里在縣東北二十五里計十六村設橋


善墟

古羅里在縣北四十里計十八村

軫一十度

分野輿地圖


正北十六里至古波里



正南十七里至田冬村輿

板夏村與羅城縣交界

西至羅城縣板夏村與羅城縣交界



正西一百千里至魚良村與思恩縣交界

西至丹州縣界

宜山縣交界

永順副土司

在府北四十里東西距二十五里南北距三十二里東至口灘村接柳城縣界十里西至中村接宜山縣界十五里南至洪都村接卯城縣界十二里北至宜山縣羅村界二十里東南至迴龍村接柳城縣界十五里西北至勞村接宜山縣界八里西南至兆村接宜山縣界十里東北至龍首村接宜山縣界三十里舊屬宜山縣承審今屬天河其地任縣東南峯巒拱衛溪澗清流然壤狹隘險戶少

宜貧且獯蠻雜處官族繁滋理斯土者必嚴加約束勤加巡防斯無伏莽之虞也

分野

廣西所屬除蒼梧藤容岑溪四縣屬牛女餘皆翼軫分慶遠軫十一度

氣候

慶遠介龍城西四時皆等暮春中夏時亦有寒涼如秋冬者大約晝方裸赤夜仍絛纊朝暮寒燠數更故諺曰急脫急著勝似服藥春

三月暖氣薰蒸人多袒裼科跣如內地伏暑
景象夏秋氣溫冬三月煦燠如常早見霜雪
若風雨連陰而寒轉甚

天河距郡匪遙暖冷亦不異氣候尚為差勝

戶口

天河戶口原額人丁康熙二十年至五十年
審增人丁共三百二十五丁銀并補徵胖腴
翎毛水脚共銀一百四十六兩六錢六分一
釐零康熙五十五年六十年雍正四年九年

丁共二十二乾隆元年至三十六年丁九百
二十一原額人丁填註一萬七千零九百四
十九今編查保甲逐填門牌實得二十保一
百九十九甲一千零八十三牌一萬零八
百六十九戶

永順正副土司例無戶口人丁

風俗

民性輕悍風俗獷戾常持兵器禮異俗殊倚
巖穴為居止山高地瘠田寡人稀民多貧而

重去其鄉且狃獐雜居天河思恩又有狝獠
獍猪狝狎狼狗之屬皆槃瓠遺種

陽山人四季皆祀鬼所最敬者惟龍老爺即
其昔時所從為亂者亦能降禍然只陽山人
信之

天河七月十四日日連節多殺鴨祭先燒化
冥財其日路無行人名為躲鬼八月中秋不
供月惟以被覆婦女用土音咒誦婦女暈去
他人生魂即附其身能歌能唱名曰壓禁婚

聘以猪以牛無櫛榔菓品之類壻家用婦女
二人并土巫往女家導女女家三五十人送
之新婦以傘自覆步行至壻家過宿即歸不
與夫會合此後遇社日插秧日收禾日方往
夫家至三四年後女父母製送奩具始常往
偕老親死過宿即葬不用浮屠堪輿百日往
孝子開齋親戚方往弔唁祭無定品亦有不
祭者

天河東西南三鄉舊傳俱槃飶種語言各別

惟北鄉為百姓歲時伏臘會聚婚禮以牛為聘每年秋成後男女贈答雞黍雜坐謳歌不脫蠻習有服斷腸草者案之皆細故蠻而愚也

慶遠所屬土州縣向俱羈縻南丹種植山嶺射生以食那地一蠻之微往往操戈斫城愚樸堅悍永定與漢無別永順民多古樸瑤人不知倫禮死多不葬不食鹽官族好嬉遊多詭詐

慶遠士屬有謂之出聖者其人夫死或素為鄉里所敬憚遇其生魂輒病問神識之祭之即愈死反寂然

物產

香稻色味香美勝餘米天河出

薏苡各縣出

黃豆有五八十月收獲三種

杉菌各州縣出生積年杉木上色青者甘平無毒不減桑耳

剝木舟天河江行小舟皆剝木為之有面濶六七尺者雖全成無罅免濡袖之虞釘灰之費然質厚遲鈍忽遇大風浪則不能翔多至

沉溺

易翼稱剝木為舟今天河多有之取大木長一丈圍五尺以上虛其中裁留首尾若槽形亦有昂首而銳其末者廣二三尺所受四五人或至六七人載運兵米村民用以往來乘載小溪中無官渡之處遇輿馬則連方舟而

濟楠樹青黃二色惟造獨木船可用
老鼠魚形如鼠

青魚胆

茶子

佛手柑最佳

斷腸草又名胡蔓草天河四鄉多有百姓服
毒輕生法宜春夏茂盛時出示勸紳民頭人
挖掘斷根灌石灰水可以少生並連根葉挑
入縣照柴價倍蓰償之亦利濟良法也

山川 關隘

山川清淑之氣散而鍾之於人河邑峰巒秀
靄江水滌紆此邦人士代有俊良官斯土者
培以學校導以師儒隆以賓興俾下邑奮興
土應旁求不其躋歟若夫關隘防禦歲不容
踈籌畫得宜亦弭盜一法也志山川

山川

東山縣東一里石壁峭立儼如屏障縣之龍
脉發源於此麓有草亭朱廷龍建道光五年

知縣林光棣易瓦磚堅固俾行旅憇息為獎
勵善行匾額甘棠亭

南山縣南一里與東山對峙翠峰矗立頂上
有泉

涵樂洞縣北一里深邃可避炎暑有石如鐘鼓
扣之則鳴

甘場山縣東二里形如幘頭縣治依其麓
獨俊山縣北二里衆山相連此獨孤立聳秀
通天洞縣東三里洞平坦四面皆黑上通二

穴

鳳頭山縣東三里一名鳳凰山其形似鳳昂首

榜山縣南三里形如掛榜道光五年知縣林光棣以邑士久停科甲勸勉多方鐫榜山題名四字於山石有題句又鐫歷科鄉會進士舉人姓氏官職於左

偕樂洞原名喇冲洞縣北三里外敞內深有清泉四時不竭道光五年知縣林光棣剗寬

洞口與民偕遊因易舊名洞口鑄偕樂洞三字徑二尺許下有龍潭禱雨立應

高寨山縣西四里舊縣治在其下峭壁危峰洞門軒豁

穿山縣西五里以石竇相通而名

龍德山縣西北五里

容樂洞縣東南十里景竒四秀路險而安遊人樂之

文峯山縣東十五里高出羣表啟通邑人文

之秀

北陵山縣東南十五里山麓有泉唐時里人有吳生者師事陸仙翁修道於此

福植山縣東北三十里山勢高聳綿亘數里為縣之鎮山

石獅山縣西北二十里砥柱兩江以形似名黃甲洞縣東三十里

三崗縣東三十里稍南為黃甲洞

烏山縣西三十里峯巒高峻其頂有泉民因

險築寨其上

交椅山縣西三十五里其狀似椅

龍門洞縣西北五十里翠壁峭立洞口軒豁
望之如登天門杳不可測其下有水通流

東小江縣東二十里源出黃甲洞南流入羅
城縣界流入龍江東北小江一自三崗一自
黃甲發源合流入小幕寨麓注為縣北江水
九龍江縣東二十里源出龍泉勢如九曲歲
旱禱雨泉上立應

三潮水縣西南數里源出北陵山一日三潮
潮退則其流一線因名聖水溉田民受其利
立祠以祀今圯道光五年知縣林光棣鑄聖
水三潮四字於縣南山石字徑尺有詩

思吾溪縣東南二里源出縣西北界東南流
入宜山縣界合小江水入龍江水聲晝夜不
絕春漲尤甚

蒙隘水灌古黎思農二里田
魚良水附近田具資灌溉

陵崗水灌福祿里田

藍潭四水合流灌歸仁里田

東小江灌羅城縣等處田

芭芒寨泉灌思合里兩岸田

東川巖西川巖灌水陂俱溉田

卧虎山在永順土司北十里形勢蹲踞儼如
卧虎

馬登巖在土司南五里巖寬深邃夏涼冬温
中有佛像遊覽稱勝

永順副土司並無河水祇有東北兩溪司境
田畝盡資灌溉

關隘

府志云山有文峰石獅甘場之聳峙水有思
吾九龍三潮之縈繞土地川原視他邑為勝
然福祿里峰巒疊起懸崖絕壁道路最險德
謹曹峒諸堡隘逼近思恩中洲狼野蠻獍時
虞滋事號為難治茲涵濡日久嘯聚之徒悉
安耕鑿拊而循之誠足為郡北藩籬云

高寨隘縣城南二里

剪刀隘鯉魚隘梅水隘俱在縣東二十里

白馬隘黃坭隘得龍隘上下郭利隘俱在城

東二十五里

東田隘縣南三十里

八解隘城北二十五里古波里

馬皮隘縣西歸仁里又馬蹄隘縣西四十里

逼近思恩中洲苗蠻頑梗縣界諸堡此為最

要二隘各設堡目一名堡兵十名

都感隘縣東南寰宇記有都感場在宜山縣北六十里

福祿鎮縣西南四十里又思農鎮在縣北古波里在縣北四十里皆古縣治明末縣民覃貴翁嘯聚滋事旋就擒戮

德謹砦縣西四十里地多夷種散布四境東為拾獠名曰猓獠南則狼種性稍淳樸北則畧與華同呼為百姓大觀元年以天河縣並德謹砦堰江堡隸融州靖康元年復故

寨芭隘在阿練里路通思恩縣設堡目二名
兵二十四名駐三崗堡
芭蕉隘在古波里路通羅城縣設堡目一名
兵二十名駐古波里

建置

城池

解署

學校

壇廟

梁津

建置因時損益城垣之保障解署之敷治以
及壇廟之崇祀梁津墟市之利民大端要務
待其人而後行若夫崇聖學育人材興教化
學校重矣河邑唐學無稽炎宋已立學校明
三百年賢令接踵文教漸興迄我

朝邑令黃潯修學宮記一篇彬彬乎禮樂名邦
矣越七八十年修補乏人傾頽日甚嘉慶十
六年邑紳重修學宮規模粗就弗底於成道

光五年光棣蒞任心惕茂草禮門義路黌墻
次第新之點金乏術捐廉少濟倘久道化成
若名宦鄉賢若節孝忠義若書院義學庶幾
釐然就理也志建置

城池

天河故城舊在東鄉上里東南依山為固西
北築土垣唐天寶元年宜州刺史吳懷忠建
有豪為門三宋縣治在思農里鎮江滸嘉熙
元年遷於思農里高寨元縣治在宜州西八

十里元和八年遷於龍水古波里在宜州北
一百七十里明洪武二年遷於蘭石村正統
七年遷於甘塲村嘉靖十三年知縣左天英
遷於福祿鎮製有序文萬歷十九年知縣楊
繼顯因新附各里地方遼闊控禦不便遷於
今治週圍土垣木柵明季荒頽

國朝順治十五年知縣李際春建造石基康熙
二十四年知縣黃澍捐石砌城垣週圍二百
六十丈高六尺東南西三門乾隆九年知縣

張鎬詳修堞口建門關雉堞稱險固焉道光
五年知縣林光棣捐建三城門樓懸匾額
澄海城在縣東南宋初置戍守處景德四年
澄海軍校陳進作亂據宜州既而轉攻天河
砦官軍至敗之即此今廢

太平池十二處道光五年知縣林光棣建因
城廂草屋環居時有火患鑿池貯水多置火
鉤又禁附近居民燒山火患稍息民甚賴之
池內栽蓮花開如錦

解署

知縣衙署唐宋以前考無確據明嘉靖十三年縣署在福祿里知縣左天英建萬歷十九年知縣楊繼顯遷於今治

國朝順治十五年建草堂毀康熙四十五年知縣蕭取乾隆三十七年知縣潘璣五十一年知縣高棫生嘉慶十一年知縣紀誠徵俱重修道光五年知縣林光棣捐建東廳五間題額漢植有記

縣丞王簿東禪鎮巡檢思農鎮歸仁鎮土巡
檢署址並何年廢置今無考

訓導儒學署在學宮左康熙二十一年訓導
韋泰運請修後毀無署祖住民屋道光三年
遷居城南鳳岡書院

典史衙署在縣署西南康熙二十九年典史
鄧俞建

把總署在治北舊千總署康熙四十八年千
總朱秉彝建今圮賃民居

監獄在縣署右瓦屋垣墻堅潔

永順副長官司署在板臺村舊在思農遷今所

學校

縣學宮在城北舊在治西宋建元末毀明洪武五年縣丞王居禮重建七年訓導喻遷善
徙建東禪寺側有序文永樂八年教諭柯善
重修正統七年署縣事照磨何政徙建城北
即今地景泰三年毀成化二十三年知縣楊

榮宏治間知縣史珙正德八年知縣魏朝陽
十五年知縣尚汝弼崇禎六年知縣楊文煥
俱重修明末毀

國朝康熙二十四年知縣黃潯重建大成殿有

序文雍正六年知縣吳鍾芬重修雍正八年

98

知縣吳正一重修有碑序嘉慶十六年署知

縣李大椿率邑紳重修道光五年知縣林光

棣捐修黉牆禮門義路門牌

鳳岡書院在城南乾隆四十年署知縣董秉

純建今暫作儒學署

龍江書院在城東道光二年署縣譚聯陞奉
撫院趙慎畛創建懸進德修業匾額

壇廟

文昌無廟神位設龍江書院春秋致祭

關帝廟在縣南門內雍正八年知縣吳正一

趙弘建道光五年知縣林光棣建土地祠

社稷壇在縣南門外高嶺雍正十一年建

先農壇在縣南門外雍正五年建

雲雨風雷神祇壇在高嶺雍正十一年建

厲壇在縣北今徙東郊

城隍廟在縣東雍正十一年改建城內北隅

嘉慶十八年署知縣李長綦率邑士庶重修

道光五年知縣林光棣建土地祠

衙神土地祠在署大堂左道光五年知縣林

光棣重修

倉神廟舊在倉內夾巷設位今移大堂左道

光五年知縣林光棣建

天燈桅杆在大堂東一燈高懸四山光照道
光五年知縣林光棣建

龍江廟在南門外祀江神吳平大王今圮

三界廟在縣城正北乾隆年士庶重修道光
五年知縣林光棣建廳屋一所有記

梁吳廟在縣城西門外今圮

白馬廟在縣城南門外今圮

名宦祠在學宮左祀宋徐彌高明楊榮今圮
鄉賢祠在學宮內今圮

節孝祠在先農壇左側祀節婦楊氏顧氏潘氏韋氏潘氏今圮
義塚在教場側

梁津

大通橋在城南半里

廣源橋在城北三里

南村橋在城北十七里

思吾橋在城南十里思吾溪

願豐橋在城北一里

永鎮橋在縣東禪鎮

東江橋在城西門外半里

上規渡在城七十里

清潭渡在城北三十里

江口渡在城南二十五里

西門渡在城西門外

邱渡在城北三里

仙人橋在永順副土司西八里江心兩岸懸
崖難渡乾隆四年土宮彭陞捐修蹬道往來

稱便

天河縣志上卷終

天河縣志 卷下

蜀北林光棣編輯

經政 祿餉

役食

學校

孤貧

田賦

鹽引

推稅

積貯

祀典

籍穀

學額

廩糧

貧糧

科費

兵制

堡田

舖兵

承審

囚糧

監倉

渡夫

經政鉅細動關民瘼或要諸久遠或隨時損益實心實政咸遵典型用臻上理志經政

祿餉

府志宜山縣知縣天河縣知縣各編俸熟銀
四十五兩除攤補佐雜荒俸各實銀三十九
兩八錢三分四釐養廉銀宜山縣七百兩天
河縣八百兩鹽規養廉銀宜山一百六十兩
天河一百兩耗羨養廉銀宜山二百七十二
兩一錢九分八釐天河六十五兩六錢七分

二釐

役食

天河縣門子二名米十二石

皂隸十名共米六十石

禁卒二名共米十二石

民壯二十四名共米四十九石一斗一升一
合一勺外支銀二十四兩

添設民壯十四名共支銀八十四兩

輪傘扇夫七名共米四十二石

斗級一名共米十二石

典史俸銀三十一兩五錢二分養廉銀八十

兩

門子一名銀六兩

齊夫二名共米十二石

馬夫一名米六石

學役

天河縣學訓導俸銀四十兩

門役二名共米十二石

齊夫二名共銀十二兩

孤貧

天河縣額設孤貧五名冬衣口糧共銀五兩
零六分九釐六毫一絲五忽二微外支米十
七石七斗三升三合五勺四抄遇閏加增米
一石二斗二升七合七勺

德勝同知民壯五食銀三十兩

田賦

實徵熟田三百七頃一畝四分五釐原額官
民共田三百二十五頃七十畝五分五釐又
乾隆二十四三十八各年編徵新墾陞科田

四十一畝九分五釐共田三百一十六頃一
十二畝五分內除荒田一十九頃一十一畝
五釐

應徵秋糧本色米一千三百五十一石四斗
四升二合三勺內除撥兵米九百七十六石
零七升二合三勺

存留在縣支銷米三百七十五石三斗七升
一合

應徵地糧熟銀八百八兩一錢三分

應徵原額熟人丁銀一百四十六兩六錢六分一釐

以上銀共九百五十四兩七錢九分一釐內
存留銀三百六十四兩三錢六分一釐驛站
銀無

起運解銀五百九十兩零四錢三分

遇閏加增銀五十九兩一錢二分四釐

鹽引

額引八十二道

餘鹽改引五百道

羨餘增引四百五十道

帶銷秤頭鹽八十三包七十觔十一兩

額徵西稅銀六十四兩四錢五分一釐零

額徵東餉銀七百三十六兩三錢三釐零

天河縣原額引八道改小引八十二道應銷

鹽一萬九千三百七十二觔乾隆五十五年

改準歸綱府城設總準縣設子準商人鍾克

承承辦

權稅

段峒鐵廠設爐二座每年納稅銀二十兩商
人林秀椿承辦

長峒鍋廠設爐二座年徵解稅銀二十兩商
人黃錦華承辦

永順副土司

永順副土司例不支公帑乾隆三年奉部院
鄂通行核定所管地畝每田一圍額收例銀
一兩共計田一百一十五圍每年收銀一百

一十五兩為養廉公費支給役食外有山腳
趙村二處膳田一十八圍每收膳米二石共
收膳米三十六石為土司衙門飯食經費無
永順副土司原額民田稅一十八頃九十二
畝五分二釐三毫
編徵折色糧米八十石零九斗九升九合九
勺八抄四撮四圭
折糧銀二十兩三錢

積貯

常平倉額貯穀一萬四千石

捐納監糧穀二百四十三石

社倉額貯穀三千石息穀四百五十二石七
斗一升

義倉穀七百七十七石八斗一升八合六勺
軍流遣犯口糧穀一百五十石

以上共穀一萬八千六百二十三石五斗二
升八合六勺

府志天河常平倉舊止土磚竹篾木板計八

十囤貯狹而易朽後建倉八間在縣署左右
今增修厰口二十個倉房四十二間隨時補
葺

義倉一在東鄉思農里一在南鄉舊里一在
西鄉思農里一在北鄉古羅里今倉併圮

祀典

社稷壇春秋二祭經費慶遠府屬共支銀八
十五兩四錢七分五釐宜山天河河池思恩
東蘭五州縣各十七兩零九分五釐天河每

祭用銀八兩五錢四分七釐五毫承辦祭豬
二隻熟牲雞一隻魚一尾肉一方香燭酒無
豆籩

文廟祭費

慶遠府並所屬共支銀一百六十九兩八錢
九分六釐香燭銀九兩零一分本府及宜山
天河河池思恩東蘭五州縣各二十八兩三
錢一分六釐香燭銀各一兩五錢一釐天河
向係儒學赴縣支領承辦每祭

大成殿用大牢一隻豬二隻羊一隻熟牲雞
一隻魚一尾肉一方東西配東西哲東西廡
各豬一隻

崇聖殿用豬二隻熟牲雞一隻魚一尾肉一
方東西配各豬一隻印帛香燭酒俱無豆籩

武廟祭費

額銀十六兩二錢一分二釐每祭用銀八兩
一錢六釐禮房承辦

大殿大牢一隻豬二隻熟牲雞一隻魚一尾

肉一方後殿用豬二隻印帛香燭酒無豆籩
以上銀在存留地丁項下開支

文昌春秋二祭額銀十六兩二錢一分二釐
承辦同上

常雩一祭銀六兩

以上在司庫支銀

習儀經費宜山縣天河縣各銀九錢

此項在庫閒款內開支

先農一祭銀三兩五錢七分承辦豬二隻熟

牲雞一隻魚一尾肉一方印帛香燭酒

此項在籍穀變價銀內扣存

厲壇三祭額銀九兩米折銀九錢八分二釐
每祭承辦豬一隻五供香燭酒孤衣銀錢

此項在地丁項下支銷

籍田

天河縣籍穀十五石每年開支穀種一石零八升五合

學額田

天河縣學八名廩生八名增生八名三年一貢

天河縣學原額學田一十畝坐落古波古黎思農等里每畝徵銀四分共學租銀四錢儒學徵解

廩糧

天河縣學廩生八名每名歲支米三石二斗七升四合一勺共米二十六石一斗九升二合九勺遇閏加二石一斗八升二合三勺

貧糧

廣西每年徵學租銀並米折共銀一千一百兩五分一釐乾隆二十八年奏銷學院衙門為廩生貧生膏火之用按學額大小以定銀數慶遠府屬銀八十兩

科費

中式舉人建坊銀每人給二十兩
舉人會試盤費銀每人給二十兩
武舉會試盤費人給銀十二兩七錢八分六

釐

以上俱在地丁銀內動支

兵制

天河汛分防天河縣城在本營北九十里東至羅城苗兒堡五十里西至馬蹄隘與思恩縣三里中州界一百二十里南至本營九十里北至四把墟與羅城界六十里把總一員外委一員分防兵二十七名撥防各塘兵十二名

硃砂塘兵二名
距本汛三
城苗兒保一
里至羅

分茅塘兵二名
距本汛
東興塘
里至

東興塘兵二名
至下里塘
二里

下里塘兵二名
至古隆塘
二十里

古隆塘兵四名
至本營
九十里

天河縣旗軍十五名

四把墟卡房一間

堡田

天河堡目卒共八十一名內守隘兵七十六

名二十四名習鳥鎗餘習刀棍堡田三百四
畝自耕免糧

鋪兵

額設鋪兵十八名歲支工食米九十七石二
斗在存留米內開支遇閏加銀八兩一錢在
存留銀內開支

東去大路由縣城十里至白馬塘八里至四
把墟十里至苗兒堡接羅城縣界南去大路
由縣城十里至東興塘十里至古隆塘七里

至公茅塘七里至三隘塘七里至東田塘十里至長沙塘接宜山縣界

防守思農水塘在營兵二名

承審

永順副土司奉調土兵五十名兵田二十五
埠俱土司經理命盜事件歸天河承審

囚糧

廣西每囚一名日給米一升油薪鹽菜錢五
文於額徵地丁銀內支給如有不敷於存公

項下動支乾隆三十九年覆准廣西已捐在
官穀六千九百餘石分撥各州縣照社倉穀
出借例一分收息初到軍流遣犯察其實在
貧乏者以息穀給大口每日一升小口五合
一月後停止四十年十二月戶部行知廣西
省支發遣軍流人犯日糧每日一升改為八
合三勺

監倉 歲修

天河縣銀十二兩七錢三分九釐在司庫缺

俸銀內開支

渡夫

天河縣上規渡夫一名歲支銀一兩五錢過
閏加九分一釐

藝文

藝文者前人之著作即後人之矩步必其地
產賢哲境留寓公是以琅函宏富靜對披閱
千載之事了然心目致足快也河邑無志何
有藝文寥寥數記碩果幸存不佞忝序簡端
顏之厚矣志藝文

贈里人吳生詩

唐

陸禹臣

世俗風波險人情巧智長要知安分事修性
本真常

露下瑤簪濕雲生石室寒星壇鸞鶴舞丹灶
虎龍蟠塵世人情窄壺中景界寬憑君高着
眼物外試回觀

遊天河涵樂洞

國朝

黃 沔

剪棘尋幽勝空中別有天虬枝蟠恠石蛛網
罩蠻烟幽谷無昏曉浮雲任往還留連絕壁
久題句羨青蓮

遊砥柱石

黃 沔

狂瀾需砥柱嶽瀆並垂名風雨連江暗魚龍

觸石驚怒濤聲凜冽峭壁勢崢嶸無限掀翻
句臨流百感平

登望峰山

黃 澗

振衣憑眺萬峰前望裏山嵐斷復連雨過寒
坡雲半濕目空帶水思如泉參差樹影橫秋
嶺遠近波光和晚烟境寂却宜舒阮嘯一聲
遙向衆林傳

宣講鎮寧鄉

黃 澗

車書一統達邊疆共戴堯天舜日長地接水

巖風寂寂山連蠻洞路茫茫桑麻漸起瘡痍
色絃誦時間瘴癘鄉最美文翁能化俗何防
鈴鐸代桁楊

宣講金城鄉

並前四首俱不在天河作

黃 澗

興朝德澤海天寬萬里蠻封雨露灑莫謂偏
隅王化遠須知無訟我心安百千衆擁橋門
聽十六條當飲食看願爾益敦同井誼俗登
淳古亦何難

奉文賑饑

黃 澗

最爾彈丸邑孤懸萬嶺邊
蠶叢開最險雉堞
望都指荒草連雲壑空城擁石田
官租誰緩
三歲賦不盈千鋒鏑驚方息
瘡痍起未全蠻
氛消化日菜色見無年
慘淡三時雨蕭條萬
并烟厨中霄月暗甑底曉風旋
野蕨收將盡
山根剝欲穿竹花香味少木酪氣多羶
太息
曾何益哀嗷實可憐
溝渠皮骨委鳩鵲里門
填鄭鹽圖難繪淮陽節已傳
春臺降雨露秋
廩給糜饘末屬承流切同官捧檄宣戴星勞

辟畫廢箸恤迤邐調劑需拯溺恩施樂補偏
兒童聯袂至父老杖藜前挈得盈筐食歌成
飽德篇口碑聽載道坡坂看摩肩滴水慈航
潤餘波涸輒鮮吾溪流不竭濺澤共涓涓

天河學宮告成賦勗諸士

尼父門墻迥風高百世師壇壝從古置俎豆
到今宜悅服傾遐邇尊榮歷盛衰滄桑雖屢
變雨露本無私斗邑千峰悶邊隅萬事靡荆
榛空繞座鐘鼓似懸絲城闕風人刺絃歌雅

韻遺綰銅來絕嶠剝草拭荒碑烟鬱棲神處
低回怵慮時編茅依峭壁入室掩朝曦竊慕
文翁化虛叨單父司愛人慙吏治造士阻心
期幸際崇儒代懽歌在泮詩作新光令典由
舊闢宏基石取他山便才遶古木竒垣墉勤
初始榱桷儼成規募役供趨事捐廉倡樂施
不勞徵調力寧費積倉貲數仞經營就千秋
堂構垂增華應有待式廓已如斯至教通殊
俗蠻方仰

聖祠山川開面目
牖戶豁胸脾
獅嶺花迎秀
龍山藻散綺
鯤鵬胥鼓翼
桃李正含滋
莫悵雲程邈
須酬月且知
文章關

國運禮樂廸民彝
匪直標三物
還期振四維
共循名教樂
瞻拜肅威儀

聖水三潮七古

國朝

林光棣

天河城隈三潮水
我來聽水聲
未已環山騰
嚮朝暮鳴到處
窮源無定址
或云在思吾溪
前或云源從北陵起
或云伏流自羅城
或云

潮平一線耳奇哉靈異見山川浩蕩潛伏誰
與紀漢槎傾聽驚吼聲天河嘉名或因此從
來歷山趵突泉景與泗水珍珠比西川灌口
發源處一勺濫觴滔江汜茲胡為者非海立
錢塘潮兮聲何似偶聞殷雷南山陽餘嚮潺
潺北江徙濤無定所嚮無時山下出泉豈堪
擬四山烟嵐幕江天多少魚龍飛空裏八功
德水清且美聖水潮兮潤百里灌溉農田滙
小江村翁祠賽今圯矣我憑江流祀潮神民

和年豐介福祉
慚聽潮聲昧厥始
聊向南山大書聖水
三潮刊咏俟君子

北山覽勝

林光棣

帶水屏山環城址
部屋參差烟嵐裏
北陵秀靄連文峰
迴亘西北雲霞綺
北山寺高覽無餘
閒與老衲談空理
晚歸放衙聽潮聲
江岸漁者謠歌起

北陵仙蹟

林光棣

種桃仙子歸何處
仙蹟空留紀北陵
葛令成

丹自冲舉吳生無籍豈飛昇
花開古洞香常滿
鶴唳碧空跨未能
果是壺中寬境界
軒轅指點避塵矰

三洞偕遊

涵樂洞
智樂洞

容樂洞

林光棣

花縣開三洞
民偕樂我遊
涵容昭萬象
題咏紀千秋
勾漏原非幻
仇池宛在不
春秋勤省處
既助亦云休

乙酉春仲余莅天河閱嘉平月士庶躋堂
恭懸楹額刊頌德政堅却不已感慚於懷

賦七律三章

林光棣

十月依然父母心
何當衆庶頌鳴琴
植禾除莠心原苦
成德達材化未深
縣志書成貽後起
榜山石刻待知音
斯民自古同直道
夏雨春風契苔岑

甘棠坐有舊亭陰
新步城樓望遠岑
宣講心勞狗木鐸
太平池浚貯甘霖
膏分鶴俸資寒峻
化到蒲鞭恤犗黔
十八里中皆赤子
安民平政勵吾箴

化成久道凜初心寬猛張弛費酌斟何處閒
田繼膏火真宜奎閣起遙岑風清漫與懷循
吏雲集還應仗士林見說文翁端本治岷
鄒魯頌於今

永樂八年庚寅天河修學記略

明 柯 善

天河縣學舊在縣南地勢窄福非施教之所
洪武興教喻公遷善覽江山之秀相風土之
宜乃去縣東三里卜築大麓之下基構偉壯

山川清淑真可謂端本育才之地歲月彌久
棟梁地蠹職教者豈容坐以待斃乃會僚友
捐俸葺修始於庚寅冬迄辛卯仲春落成

嘉靖六年天河遷縣記略明張烜宜山人

天河建城邑於思農里之高寨其勢孤其鄉
僻驚賊乘間得而侮之景泰以來剽掠日甚
官民莫敵相與奔附上里之甘場村因便就
簡者八十餘年矣甘場之地山勢險通風氣
弗聞民病於虎嘉靖乙酉歲侍御謝公汝儀

力主遷議而奉行者匪人莫克政舉及侍御
鄭公濂又力主之相延十年於茲歲癸丑左
侯天英奉命宰治下車之初相厥險僻蹙然
曰是可以安民物為政教地邪時郡守林公
庭杓郡倅鄒公志學節推安公和試侯以政
知侯之可與有為也責以遷邑侯毅然遂與
父老規形勝測向背以望風氣歷原隰以辨
土宜舉無愈於福祿社之平曠者遂移牘以
聞於督撫陶公偕侍御曾公守約僉曰允工

始於嘉靖甲午六月廿又九日徙居於是年
臘月廿又二日畢工於乙未春夏之交城池
高深若堂宇若倉廩若鼓樓若公館若城隍
若山川社稷諸祀壇壝一舉而新之問其力
取那陽羅侯廷鳳義兵也問其材出諸措置
也問其匠出諸募工也問其犒賞之費出諸
捐俸也歲戊戌仲夏侯以調宮去父老相率
屬記於烜遂勒石於縣治儀門之左繼侯而
治當有感而起者

康熙二十四年天河新建文廟記

國朝
黃 澐

春秋之例常事不書故僖公修泮宮魯頌次第其事揚厲休美而聖人畧而不書曰常事也然則有事於學校而屑屑焉記之毋乃隣於喜功好名之所為而有悖於典歟不知已廢而復修者事之常也昔無而今有者非事之常也非常事而記之將考信於其後非以矜能而炫美也按天河隸慶遠次邑其地僻

其江山險峻其民與狽狼獾屬錯處其俗椎
魯者半獷悍者半威不能制恩亦不能結兼
之兵燹頻仍饑祲洊告為長吏者軍旅錢糧
日仰屋之不給違問學校有無哉

上二十一年秋濶街

命牧茲土下車奠謁徘徊太息曰遺黍猶歌頌棠
勿剪况先師肇降之宮蕭然於棘茨塵蔓間
曷以安聖靈而宣布

興朝之德化也於是履階未煖日有枝柱於懷

者而最爾偏隅工作絕迹乃僅輯茅編竹創
建大成啟聖明倫兩廡諸所雖足以蔽風雨
不足以聳觀瞻經久之模未備非守土之責
而誰責歟歲甲子

天子大興文教詔天下郡縣學宮皆崇建宏麗而
遐陬僻壤從未設有學宮檄令先建正殿三
楹灣奉承惟謹亟謀之學博集諸紳士度地
鳩工計磚甃木石之需與匠役工食之費捐
俸倡率卜吉興事貲不費帑役不擾民經始

於是年之八月訖成於次年之二月棟宇簷
阿翬飛鳥草規制宏敞不僿不侈屹然大觀
蓋昔無而今有矣是役也或有嚇之者曰侯
之堂蔓難圖矣侯之室膝難容矣胡獨謀此
不急之務且邑之中賦子衿者不過二十人
而外籍者幾半焉用此汲汲為余曰否否人
情莫不樂就其所安吾之身安矣而目覩學
宮之委於草莽淪於沮洳吾之心安乎不安
乎况夫士氣之下振由育才無其地耳經營

其地而光大之安知寥寥於今日者不復濟
濟於他年也爰進博士弟子而諭之曰爾多
士亦知學何為而設耶夫學以闡教化耳聖
人之教不外君臣父子夫婦昆弟朋友之倫
學者明之於心體之於身推而措諸家國天
下其為理之所固有而事之當然者直不啻
夏葛而冬裘饑食而渴飲也古昔盛時彝紀
修明風俗醇厚其君子登於俊造其小人免
於刑戮由斯道也迨至後世視義路禮門為

弋取功名之徑甚且側足儒門背棄師說求
利達於異教而恬不知愧隱感之甚矣爾多
士幸際

文明之代絃歌俎豆業有定所居息其中奮然
致力於聖賢根本之地講明孝弟忠信禮義
廉恥以善其俗而倡化於一方俾土蠻豪獍
有以潛消其頑悖而漸納於軌物將見卉裳
推髻之風轉而為衣裳絃誦之習他日致君
澤民道孰踰於此哉余故於文廟之成而樂

為之記也維時僉謀合志左右贊襄者則有
司訓王嚴執事勤勞程督不或者則有屬尉
王錫祚而邑諸生類皆鼓舞趨事克臻厥成
法得並書以範後之有事於學校者

雍正八年重建天河縣學碑記

吳正一

雲漢章天一統大車書之會斗牛分野百越
聯翼軫之輝敷

聖化以作人端由學校集英才而造士特重科名

粵西天河縣者昔是偏隅人多推魯今為樂
土士盡淳良泉名聖水之佳山號文峯之秀
溯學宮始設實初建於宋初考殿宇遺基遞
改遷乎明季立於今所既闕兩朝証以前聞
更新數次乃地居湫隘歲久傾頽四壁無存
絕似顏淵陋巷一椽若寄幾如原憲衡門正
一莅任之初葺茅補葺僅免風雨飄零春祭
秋嘗每愧豆籩陳設苦點金之乏術欲捐俸
而不能茲者上沐

聖恩浩蕩領回兩載之養廉撫思膠庠荒涼捐出
一年以建學爰規方而拓土隨鳩工而庀材
構大木於深山五旬斯得覓良工以力作一
歲乃成崇尺修尋親為量度木屑竹頭極費
經營屬尉韓君相虞不惜寒暑辛勤圖其輪
奐司訓吳子祖宮亦能匡襄左右大其規模
烏斯草而翬斯飛

大成殿易三為五茂如松而苞如竹

崇聖祠以穆繼昭講學園橋形似半規之月擎天

雙柱高侷數仞之墻義路禮門聿來君子賢
關聖域定毓名儒築謀於己酉之三秋落成
於庚戌之八月登堂入室儼聞絲竹之音納
陞升階欣覩藻芹之色所望後先司志修葺
為懷犬豕牛羊禁其畜牧農工商賈示以尊
崇共為聖道之閑莫使孔墻之倚是為記

榜山題名題句

林光棣

自今以始約我膠庠篤學敦行奮興自強鄉
會題名勒茲山傍噫今昔兩三元馮京陳繼

昌桂林與慶遠時地相輝煌
誰崛起鼎峙而為邦家之光

漢槎跋

林光棣

河邑建自唐時治在東鄉上里明萬歷間遷此士氣民俗淳淳恂恂猶餘古風余居之澹如也幅幘褊小政多缺畧署基狹隘堂宇就傾城閨蕩然無存倉祀在夾巷中余莅自春徂秋修補創建及各祠廟次第一新復於署東隙地闢基甃垣建屋數椽為公餘憩息省

心之所是星也屏山帶水一鑑天開花木陰
警風晨月夕清爽自樂翛然超塵壒之表因
邑名顏曰漢槎直不啻泛舟銀潢身到清涼
上界下與衆生結普渡緣也是為記

天河三界神廟記

林光棣

河邑城外北隅三界神廟肇自明末椽屋棲
止而已順治康熙間求神輒應屢著靈異邑
人德之建廟三楹塑像處祀迄今胖饗無虛
日環簷起廳與馬肅穆左右榕樹盤聳陰蓋

歲乙酉余莅任趨謁望而知為靈神奧區也
因進父老而諭之曰若感神靈昭虔祀固也
亦知勝蹟所自來乎考志稱神馮姓克利名
貴縣東壘村人遇八仙奕得天衣一襲無縫
及還子孫易世人異之詣府勘問並僕馮遠
置洪鐘內環焚以新啟視神坐儼然而馮遠
灰燼僅存一指握神手中表聞勅封遊天三
界得道還至蒼梧羽化事在明正德嘉靖間
越九世孫馮吉性靈異知吉凶後不知所終

里人咸祀之事在順治己亥間此勝蹟所由
來也余嘗東至蒼梧西遊貴縣仰廟堂之崇
隆覘功德之靈顯見有所謂青龍長一二尺
許或盤殿壁或繞階樹時多時少倏有倏無
或飼以蚤食不避人余甚異之或曰匪特此
也秉香楮質曲直青龍出觀繞曲者頸是非
立判遂以息爭又其甚者舟灘行危險絳斷
咸見青龍繫絳兩頭不墜人因挽舟以上此
何啻一髮繫千鈞者非靈顯而能若是乎余

因憶嘉慶戊寅于役過昭平之白竹灘舟破浪而上隣舟尾後前陷石不得出幾覆者再舟中男女二十二人哀籲呼救聲澈山谷余亟命舟轉濟舟人大恐強賚以行僕挾余登石壁立觀急望空叩禱三界舟趨轉穿浪下甫傍鄰舟濟二十二人餉銀四桶餘不及取而鄰舟沉矣天晚微雨人恍見青龍在余舟隱見者噫談虎變色痛定思痛迴憶當年親歷危境化險為平轉死為生二十二人之幸

三界神恩默佑至今猶汗流浹背驚感靡已
其又可忘耶余是以溯勝蹟之由表青龍之
異述功德靈顯之所親見而身受者為我父
老告也夫禦大災捍大患則祀之有功德於
民則祀之神五行不戕三界遍遊宏敷慈悲
救濟民物其精神之在天下者如水之在地
中無時無處而不有而非特粵江左右時昭
感應祀事孔明也渺茲河邑歲時伏臘走村
翁奔童穉相與報賽祈福以延壽命以正人

心咸有幹而有年胥遵道而遵路則靈神功德之浩蕩感孚俾守土者得底於

盛世康樂安平之化其享祀妥侑致敬致誠又當如何也抑聞之神先世佐明將軍韓雍征剽有陰德至貴縣愛其山水遂家焉葬吉穴子孫得仙籍亦謂即神葬其處是皆不可考傳曰聰明正直而為神易曰積善之家必有余慶神生而為英死而為靈子若孫代有異人陰德食報有不爽者是又不可不知也因

齋祀欽感述見聞而為邑父老記焉

勝蹟 古墓 寺觀

若夫大邑通都仙佛古刹鎮佑一方陵墓佳
城光耀千載後之人低徊流連油然生嚮往
之心匪特供游覽已也河邑雖小詎可忽諸
志勝蹟

古墓

吳平王墓在縣南十里賓村下舊有廟凡邑
今初至備特牲祭廟乾隆末年大水廟毀至
今詣祭如舊考吳平王初無確據相傳有法

術能為草人馬王母恐及禍出首置之法今
墓處葬王首有石板蓋其上王父有墳在邑
東龍眼樹脚水穴不知所在王唐時人受封
於宋神靈著天河江水間船行祀之吉或云
即受道於陸仙翁之吳生也

寺觀

湘山寺在縣城北宋時建今無考

聖壽寺在城北明時建康熙二十五年知縣
黃澗重建四十六年知縣蕭敢重修

北山寺在城東北山麓乾隆五十五年署知
縣余清標建寺鐘懸而不擊廟祝視縣城有
失火則重擊警衆趨救以防火患

勅福寺在上思盧里

東禪寺在上里東禪鎮

三寶寺在新洛歸里府舊志云凡新令任事
三日內祭之今缺

泗洲寺在下里

廻龍菴在城東三里

浮碧菴在舊里今圮

文昌閣在南山上今圮

觀音閣在三寶寺前康熙二十四年建

宦蹟

非宦之難而名宦為難士君子幼學壯行實
心實政功被當時澤及後世君恩輿情相濟
而行祀無窮嗚呼盛已河邑名宦祇傳楊榮
薛志學吳王一三人其先後如尚汝弼楊繼
顯李際春黃潯諾君子皆卓有政聲不容泯
也宦祠有成當申請并祀焉志宦績
宋徐彌高淳熙間任府志載於名宦治績無
考

明楊榮永州人成化間以御史謫天河知縣
愛民造士人咸思之

明薛志學字海觀江蘇常熟人萬歷間知天
河縣縣四堡皆歿於賊志學折簡諭之悉歸
復治有循聲

國朝吳正一字向亭浙江錢塘人雍正五年由
舉人棟選授知天河縣地荒瘠蠻獠錯處谿
谷尋仇構釁閱日無虛正一著論獨謂凡此
非無天良惟愚罔知法度使平吾心以聽政

迎機開導而善啟其良服訓當不與內郡民
異奈何草菅馭馬踰年撫治果稱最克黨莫
東旺案累累逋逃久不獲正一蒙府檄授機
宜親入寨跡捕草止露宿者浹旬始得之黔
省古州苗梗會粵西兵進剿需米餉軍陸行
涉險負重恐不繼正一奉委兼運事偵知由
懷遠小江道梅寨沂流可直達古州時方慮
生苗情巨測正一毅然乘舸犯險曲折而前
苗人來役者輒勞以烟鹽皆踴躍願為導糧

運徑而費約省今古州接濟兵米水道便利
乃其初始功也八年陞任東蘭州東蘭改士
歸流百度伊始會盛暑正一不避瘴癘經紀
州事無少休遂以勞疾故

列傳 鄉賢 烈女 仙釋 諸蠻考 徭獠

傳者傳也傳之誌不朽也惟功德言兼而備之上也其次一節一行亦足表見而垂後焉婦孺之誠可通神明仙佛之功能補造化各極其至完我固有而已諸蠻漸被涵濡喁喁向化中土人無殊也志列傳

鄉賢

明吳貢慶遠衛軍補天河生員徵修通志督撫姚鏌方討田酋策問儂智高事備對無遺

中嘉靖戊子鄉試授金谿教諭遷德安知縣
剔蠹除奸百度振飭

施堯工天河生員父先亡母吳多病堯工抑
搔扶掖未嘗頃刻離晝夜飲泣目不交睫醫
云欲知差劇但嘗糞甜苦堯工遂陰取嘗之
味漸苦澀心乃喜已而病果愈壽踰七十至
今里人傳其事稱施孝子而不名

烈女

國朝韋孝女父母與兄食菌中毒同日死女字

顧姓以死自誓願終身供父母祀顧姓亦不
之疆撫一子繼韋氏嗣始終如一

潘氏生員韋聖勤妻年二十八夫卒清苦自
堅撫孤子繼孟入泮

顧氏生員韋衍易妻年二十五夫卒守節終
身

潘氏居古黎里新村年二十適夫某二十五
歲夫故生子數月撫孤守節三十餘年

楊氏生員李良正妻年二十四夫亡家貧紡

績守節育子不許廢儒業嘗痛哭流涕望子
成才膏火之資悉出十指長子元煌得入泮
乾隆二年請

旌表建坊在縣城十字街今圯

仙釋

陸禹臣字服休河東人避黃巢之亂入南嶽
遇道士軒轅彌授以仙術且謂曰子得道當
在山窮水絕處乃跋涉隱宜之北山嘗過吳
生家生每往謁輒與語塵外理贈生以詩因

與登覽巖穴凡二十所遂居巖修煉不復出
嘗手植異桃靈藥至今不凋山上有井色紺
碧禹臣在時時聞仙樂一日仙升吳生拜泣
求度禹臣曰汝仙籍無名未可求也後宋時
常有人遇之間其童子曰此紫府仙伯陸翁
也又思恩縣修煉山相傳亦其修煉處
吳生天河縣人唐時遇陸仙翁於宜山縣會
僊山以師禮事之翁曰爾能為神不能為仙
也後受封於宋號吳平大王

諸蠻考

昔高辛氏有犬戎之寇帝患其侵暴而征伐不克乃訪募天下有能得犬戎之將吳將軍頭者購黃金千鎰邑萬家又妻以少女時常有畜犬其毛五采名曰槃瓠下令之後槃瓠遂銜人頭造闕下羣臣怪而諗之則吳將軍者也帝大喜而計槃瓠不可妻之以女又無封爵之道意欲有報而未知所宜女聞之以為帝皇下今不可違信因請行帝不得已乃

以女配槃瓠槃瓠得女負而走入南山止石
室中所處險絕人跡不至於是女解去裳為
僕鑿之結著獨力之衣帝悲思之遂遣使尋
求輒遇風雨震晦使者不得進經三年生子
十二人六男六女槃瓠死後因相夫妻織績
木皮染以草實好五色衣服制裁皆有尾形
其母歸後以狀白帝於是使迎致諸子衣裳
斑斕語言侏離好入山壑不樂平曠帝順其
意賜以名山廣澤其後滋蔓號白蠻夷

天河多夷種而散處四境者又各不同東為
拾獠名曰毋狍西為獐人南則狼種性稍淳
樸北則畧與華同呼為百姓婦人服飾無老
少色紅紅裙作細摺厚累五六層重數觔婚
禮媒局議允男家先擔酒肉置路旁女族少
長經過截留飲食之以所餘者攜歸卜日女
族亦荷酒肉置前路所答復名曰會親娶則
以牛為聘獠性嗇諸多簡陋力耕作若獨喜
浮屠蔬食王三年謂之血盆齋言為母報恩

云先時蓬首跣足成化間知縣袁瑢禁之始
巾幘草履

一曰獠居天河縣東鄉又名狴狽言語與漢
迥別如呼父曰爸母曰孀兄曰懷弟曰儂穿
衣曰登穀喫飯曰饘餼飲酒曰饘考食肉曰
饘難之類亦通漢語性鄙吝蠅頭心算殺雞
饗客不自舉箸男女衣著類百姓長女以青
布蒙首未嫁者披其前鬢腰繫紅帶善耕作
尤好種綿相人荒山面種之孟春男女負刀

芟其雜穢鋤而播種時一往視收成後即去
歲遷一山無定在視徭獐較馴頗譎詐問習
詩書亦有一二秀士

徭獐

天河獐一千八百餘戶居西鄉者呼父曰呵
母曰媿兄曰龍弟曰儂穿衣曰登布出入曰
佩環刀持鏢鎗性頑難化近頗畏法
天河徭百餘戶有項板赤膊過山諸種居阿
練里之山峒念峒男子蓄髮挽髻裹以花布

婦人以長帶束額耳帶大圈男婦皆青布短
衣褲以紅白布為緣呼父曰耙母曰篋伯曰
隆叔曰敖子曰力天曰門田曰那山曰邑行
曰巴著衣曰登布

前事

河邑前事軍務頗多蠻獍野獷恃險剽悍伏
莽跳梁旋就屠僇采明

國初在所時有今則

威教覃敷涵濡變化革面革心遵道遵路同風
順則矣守土者流覽前聞樂享厥成撫綏而
整齊之不蒸蒸日上耶機祥軼事不恒經見
畧記輯之志前事

成化十二年天河縣賊首韋諫誠作亂都御

史英琛命將討平之

弘治十五年天河縣賊首韋萬妙等作亂知府姜綰督那地土州兵抵巢擒萬妙誅之生擒賊首魏總兵廖參將覃知府韋天王等餘黨悉定

康熙十九年永順土官鄧世廣與戴天祿私鑄偽印謀反提督哲爾肯發兵平之

雍正三年天河縣賊衆恃險抄掠知縣吳正一率土兵擒獲誅之又覃貴翁莫東旺者福

祿里賊也里有上中下三疇萬山突起俱蠻
獠所居貴翁等恃其險隘窩藏煽誘宵小聞
之依附抄掠無虛日雍正六年督撫提咨商
檄剿知府徐嘉賓檄知縣吳正一授機宜調
發土兵進剿擒獲莫東旺父子及兇黨十餘
寘於法餘皆開予自新獠賊斂跡縣境始安
雍正二年咨提督會勦天河三疇文

巡撫
李
紱

為據實詳明懇恩發兵剿除積盜事查雍正

三年七月初九日據天河縣詳稱卑職到任之日仗憲臺威靈即親詣賊巢福祿里一次雖數月以來邑中幸無失盜然從前未結之案哭血縣庭號寃叫苦者曾無虛日卑職披閱呈詞查檢舊案見其寡人之妻孤人之子絕人之宗祀焚人之廬屋荒人之田畝如福祿里等盜真所謂無法無大罪不容於誅者也歷任前令用兵虧空遂相與粉飾蒙蔽以致生死含寃人民逃散村落成墟錢糧無著

不知將來作何究竟卑職愚直之性實不能
隱忍而為此况

皇上揀選之意憲臺委署之心豈必願其隱忍而
為此耶謹將福祿里歷年不結之案彙冊呈
覽倘蒙憲臺及時發兵河邑幸甚四鄉幸甚
則卑職雖署篆數戶亦可以慰士民哀號哭
訴之心矣等情到部院據此除詳批仰候另
檄行知併候督部院批示繳冊存等因印發
外為查天河縣之福祿里頑犇恣行劫殺目

無法紀積案如山十餘年於茲矣今據該縣
詳開又復積有多案抗官藐法不加剿擒則
良善受苦無已但獍蠻所居山峒險阻應否
剿擒抑或環攻應就近聽貴提督揀選才能
將官前往總統臨時酌行如應深入直搗其
巢則大兵由慶遠府沿河至墻背村直至巖
峒地方擒拏獍賊覃貴翁再進分兵一路東
北行至大莫三村擒拏窩藏獍賊覃明將之
莫東旺等一路東南行至計里三村擒拏獍

賊韋文案等至正西接近宜山之長峒古波
二村及西北接近宜山之思結隘通峒弱峒
古丹等村並須分兵堵禦務令克獐就縛兵
不頓而功速成乃為盡善如以為獐賊所居
隘內險阻須環而攻之則當亟乘八月內禾
稼未收之際整兵堵隘令其坐困自投蓋獐
賊所居隘內並屬高山深谷田地鮮少此輩
亦無蓋藏蓄積當青黃不接之時易於困絀
其田地禾稼俱在隘口之外今堵禦各口賊

既不得收斂而我師又可因糧於敵若過八月賊稼已收倉箱已實福祿地方周八十餘里林箐竄伏既難搜擒彼糧有餘曠日持久亦難見效如前任王令於五十九年臘月動兵有損無獲前事當鑒不可後時者也為此咨會貴提督酌定兵數選任總統指受方畧務於八月進勦為妥至一切供應事宜本部就進委慶遠府為監紀官料理其事宜在行兵勇俱照修仁之役每名日給口糧米一升

進勦者每名賞銀三錢堵禦者每名賞銀二錢其有奮勇出力者另加獎賞至於柳慶協及宜山思恩羅城各防汛兵丁恐止堪各隘堵禦之用其進勦正兵應否調動貴提標援勦兵數百名帶領熟習鎗炮藤牌以壯中權之任仍聽貴提督酌行除一面行委慶遠府監紀外相應咨會為此合咨貴提督請煩查照酌覆施行

按咨文據天河縣稟未指何人實心保衛

地方姓名不傳則志闕之咎也查雍正年間
宜山知縣左天英署天河縣移縣治建於
於福祿里張烜有記或此洛即據左天英
稟亦未可定存以備考俟將來一體申請

列入名宦

弘治九年總督鄧廷瓚上言慶遠府天河縣
舊十八里後漸為獍賊所據止餘殘民八里
請分設一長官司治之部議增設永安長官
司授土人韋萬妙等為正副長官并流官吏

目一員是年裁忻城縣流官留土官知縣掌
縣事亦從廷瓚奏也

萬歷十九年天河縣城隍廟側有榕樹二株
歲久成精變白衣人每風清月朗或二三更
常出坐樹杪人初見甚矮小一聞喊聲即高
丈餘幸不迷人人亦少所驚恐

宜山指臂峒距天河縣界之長沙塘相去十
餘里隔山數十重乾隆十三年峒內獐女鋤
畚於山被大風吹去落於長沙村前暈迷不

知人事手尚執鋤不釋村民用姜湯灌醒詢
知其故各驚訝相率送歸

天河縣志下卷終